

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Թ. Տարի, Թիւ 415, Ուրբաթ, 15 ԴԵԿՏԵՄԲԵՐ, 2017

ՀԱՄԱՅՆՔԱՅԻՆ

ՊԱՅՐԵՆԻ ԴԵՍՊՈՒՆԻ ԱՆՆԱԽԸՆԹԱՑ ԱՅՑԸ ՔՈՒԷՅԹԻ ԱԶԳԱՅԻՆ ՎԱՐԺԱՐԱՆ

Չորեքշաբթի, 13 Դեկտեմբեր 2017ին, Քուէթի մօտ Պահրէյնի Դեսպան Շէյխ Խալիֆա Պըն Համատ Ալ Խալիֆա պաշտօնական այցելութիւն մը տուաւ Քուէթի Ազգային Վարժարան:

Մեծարգոյ Դեսպանին դիմաւորութեան ներկայ գտնուեցան Թեմիս Առաջնորդ Գերայ. Տ.



Մասիս Ծ. Վրդ. Զօպույեանը, Վարժարանիս Հոգաբարձութեան անդամները, Տնօրէնութիւնն ու աշակերտները:

Աղ ու հացի աւանդական օրհնութենէն ետք, Վարժարանիս Տնօրէն Տոքթ. Ներսէս Սարգիսեան բարի գալուստի խօսք արտասանեց, ապա Պըն. Դեսպանը մատուցեց «Համագործակցութիւն եւ

երկխօսութիւն Կրօնքներու միջեւ» խորագրեալ օգտաշատ դասախօսութիւնը, որ կոչ մըն էր Իսլամ Քրիստոնէայ խաղաղ գոյակցութեան, մշակոյթներու մերձեցման, հեռու ամէն տեսակի բռնարարքներէ ու կողմնակցութիւններէ, յանուն նոր սերունդի շէնշող ապագայի:

Այս առթիւ Գերայ. Հայր Սուրբը երախտագիտական խօսք արտասանեց Պըն. Դեսպանին, իր տուած այս այցելութեան համար եւ յաջողութիւն մաղթեց անոր, ձեռնհասութեամբ կատարելու իրեն վստահուած առաքելութիւնը:



Մեծարգոյ Դեսպանը խոստացաւ նաեւ նիւթապէս օժանդակել վարժարանին:

ՀԱՅԿԱԿԱՆ

Էդուարդ Նալբանդեան Հանդիպում Մը Ունեցած Է Քոնցիասի Հետ

«Հայաստանի Հանրապետությունը 2018-ի Գարունը Պիտի Դիմաւորէ Առանց Հայաստան – Թուրքիա Արձանագրութիւններուն»

Դեկտեմբեր 12-ին պաշտօնական այցելութեամբ Աթէնք գտնուող Հայաստանի արտաքին գործոց նախարար Էդուարդ Նալբանդեան հանդիպում մը ունեցած է Յունաստանի արտաքին գործոց նախարար Նիքոս Քոնցիասի հետ:



Հանդիպումէն ետք՝ նախարար Քոնցիասի ընկերակցութեամբ, Յունաստանի արտաքին գործոց նախարարութեան համաժողովներու սրահին մէջ նախարար Նալբանդեան հանդէս եկած է Հայաստանի արտաքին քաղաքականութեան, միջազգային եւ շրջանային հրատապ հիմնախնդիրներուն եւ անոնց լուծման ուղիներուն վերաբերեալ Հայաստանի մօտեցումներուն մասին ծաւալուն ելոյթով մը:

Նախարար Էդուարդ Նալբանդեանի ելոյթին ներկայ եղած են Յունաստանի արտաքին գործոց նախարարութեան ղեկավար անձնակազմը, Աթէնքի մէջ հաւատարմագրուած դեսպաններ, անուանի գիտնականներ, քաղաքագէտներ, վերլուծաբաններ եւ լրագրողներ:

Իր խօսքին մէջ նախարար Նալբանդեան անդրադարձած է հայ եւ յոյն ժողովուրդներու բազմադարեան յարաբերութիւններուն, ինչպէս նաեւ Հայաստանի եւ Յունաստանի միջեւ դիւանագիտական յարաբերութիւններու հաստատումէն ի վեր անցած 25 տարիներուն ընթացքին արձանագրուած ձեռքբերումներուն:

Եւրոպական Միութեան հետ համապարփակ եւ ընդլայնուած համագործակցութեան համաձայնագիրին լոյսին տակ, նախարարը ներկայացուցած է Հայաստան-Եւրոպական Միութիւն ընդլայնուող յարաբերութիւնները:

Նախարարը հաստատած է, որ Հայաստան-Եւրոպական Միութիւն յարաբերութիւններուն մէջ Յունաստանը Հայաստանի առանցքային գործընկերներէն մէկն է: Ըստ նախարարին, Հայաստան-Եւրոպական Միութիւն յարաբերութիւններու ծիրին մէջ վերջին շաբաթները շատ նշանակալի էին: 24 նոյեմբերին Հայաստան Եւրոպական Միութեան հետ ստորագրեց համապարփակ եւ ծաւալուն համագործակցութեան համաձայնագիրը: Ըլլալով Եւրասիական տնտեսական միութեան գործուն անդամ՝ Հայաստան կը զարգացնէ իր յարաբերութիւնները նաեւ այլ ձեւաչափերու հետ: Նախարարը յոյս յայտնած է, որ նման նպատակալաց եւ իրատեսական երկխօսութիւն մը շարժիչ ուժ դառնայ՝ շրջանին մէջ համագործակցութեան խթանման համար:

«Այս համաձայնագիրին ստորագրութիւնը Հայաստան-Եւրոպական Միութիւն համագործակցութեան միակ օրինակը չէ: Վերջին երկու տարիներուն մենք յաջողած ենք յառաջ

ընթանալ փոխադարձ համագործակցության տարբեր բնագավառներում մեջ, մասնաւորապէս, այլ ծրագիրներում կողքին, միանալ COSME, «Ստեղծագործ Եւրոպա», եւ «Հորիզոն 2020» ծրագիրներուն, նախաստորագրել ընդհանուր օդանաւորդական գօտիի շուրջ համաձայնագիրը եւ ստորագրել անդրերոպական փոխադրամիջոցներու ցանցի դէպի Հայաստանի Հանրապետութիւն ընդլայնման բարձր մակարդակի փոխըմբռնման արձանագրութիւնը: Մենք կ'ակնկալենք նոր նախաձեռնութիւններ՝ միեւնոյն ատեն յատուկ կարելորութիւն տալով այցեգիրներու ազատականացման հոլովոյթի մեկնարկին: Կ'ակնկալենք նաեւ մեր յոյն գործընկերներուն հետագայ աջակցութիւնը՝ Հայաստան-Եւրոպական Միութիւն համագործակցության ի նպաստ», ըսած է Նալբանդեան:

Խօսելով Հայաստան-Յունաստան տնտեսական երկկողմանի կապերու ընդլայնման կարելիութիւններուն մասին՝ նախարարը նշած է, որ այս առումով օգտակար կրնան ըլլալ միջկառավարական յանձնախումբի աշխատանքը եւ գործարար համաժողովներու կազմակերպումը: «Հայաստանի՝ Եւրասիական տնտեսական միութեան անդամակցութեան շնորհիւ, ստեղծուած են նոր կարելիութիւններ՝ առետուրի եւ ներդրումներու համար: Այսօր, Հայաստանի միջոցով կարելի է առանց տուրքի դուրս գալ 170 միլիոն բնակիչ ունեցող Եւրասիական տնտեսական միութեան շուկայ: Հայաստանը ունի արտօնեալ դրութիւն՝ Եւրոպական Միութեան, Միացեալ Նահանգներու, Ճափոնի եւ այլ երկիրներու հետ: Յոյսով ենք, որ քաղաքական զարգացումներուն բերումով ընձեռուած կարելիութիւնները թոյլ կու տան լիարժէք տնտեսական համագործակցութիւն ծաւալելու 80 միլիոն բնակչութեամբ շուկայ ունեցող Իրանին հետ: Այդ առումով յատկանշական կրնան ըլլալ Պարսից ծոց-Մեւ ծով փոխադրամիջոցներու եւ կապի երթուղիներու վերաբերեալ նախագիծերը», աւելցուցած է նախարարը:

Արտաքին գործոց նախարարը յայտարարած է, որ Հայաստանի Հանրապետութիւնը 2018-ի զարունը պիտի դիմաւորէ առանց Ցիւրիխի մեջ ստորագրուած Հայաստան – Թուրքիա արձանագրութիւններուն: Խօսելով Հայաստան-Թուրքիա յարաբերութիւններուն մասին՝ ան յիշեցուցած է, որ Հայաստանի նախագահ Սերժ Սարգսեանի նախաձեռնութեամբ սկսած էր Թուրքիոյ հետ յարաբերութիւններու կարգաւորման հոլովոյթ մը, որուն հիմամբ 2009-ի հոկտեմբերին ստորագրուեցան Ցիւրիխի արձանագրութիւնները: Նախարարը ընդգծած է, որ մինչեւ այսօր այդ փաստաթուղթերը չեն վաւերացուած, որովհետեւ Թուրքիան դրած էր անհիմն նախապայմաններ, որոնք կը հակասէին արձանագրութիւններու տառին եւ ոգիին: «Այս փաստաթուղթերը չեն կրնար ընդմիջտ պատանդ մնալ, եւ այդ է պատճառը, որ Հայաստանի նախագահը սեպտեմբերին ՄԱԿ-ի գլխաւոր ամպիոնէն յայտարարեց, որ Հայաստանը արձանագրութիւնները չեղեալ կը յայտարարէ, որովհետեւ չկայ որեւէ դրական յառաջընթաց անոնց իրականացման համար», յայտարարած է Նալբանդեան:

Նախարար Նալբանդեան նաեւ անդրադարձած է մարդկութեան դէմ յանցագործութիւններու կանխարգիլման միջազգային ջանքերուն մեջ Հայաստանի առաջնորդող դերակատարութեան: Ան կարելոր տեղ յատկացուցած էր արցախեան հիմնախնդիրի խաղաղ լուծման ուղղութեամբ Հայաստանի եւ ԵԱՀԿ-ի Մինսքի խմբակի համանախագահ երկիրներու միացեալ ջանքերուն, ինչպէս նաեւ հանգուցալուծման հոլովոյթի վերջին զարգացումներուն:

Ան շեշտած է, որ արցախեան տագնապի խաղաղ լուծումը Հայաստանի արտաքին քաղաքական օրակարգի գլխաւոր առաջնահերթութիւններու շարքին է: Նախարարը նշած է, որ Վիեննայի մեջ տեղի ունեցած ԵԱՀԿ-ի նախարարական համաժողովի շրջանակներուն մեջ, 6

ղեկտեմբերին իր ազրպէճանցի պաշտօնակիցին հետ ունեցած է հանդիպում մը, որ ընդհանուր առմամբ ընթացած է դրական մթնոլորտի մէջ:

«Հանդիպումէն ետք նշեցի, թէ արդեօք յառաջիկային զարգացումներ տեղի պիտի ունենան: Որովհետեւ այս տարուան հոկտեմբերին Ժընեւի մէջ տեղի ունեցած Հայաստանի եւ Ազրպէճանի նախագահներուն վեհաժողովը նոյնպէս ընթացած էր դրական մթնոլորտի մէջ, սակայն հանդիպումէն անմիջապէս ետք Ազրպէճանը վերադարձած էր իր անհիմն մեղադրանքներուն եւ հռետորաբանութեան: Անցեալ շաբաթ ԵԱՀԿ-ի նախարարական համաժողովին ունեցած ելոյթիս ընթացքին մանրամասն անդրադարձայ Արցախի հիմնախնդիրի լուծման հոլովոյթին: Միջնորդներու՝ ԵԱՀԿ-ի Մինսքի խմբակի համանախագահ երկիրներու՝ Ռուսիոյ, Ֆրանսայի եւ Միացեալ Նահանգներու պատուիրակութիւններու ղեկավարները յայտարարութիւն կատարեցին արցախեան տագնապի լուծման վերաբերեալ: Հայաստանը պատրաստ էր միանալու այդ յայտարարութեան, սակայն Ազրպէճանը հրաժարեցաւ, որուն պատճառով չյաջողեցանք որդեգրել Հայաստանի, Ազրպէճանի եւ համանախագահներու միացեալ յայտարարութիւն մը: Ասիկա բազմիցս կրկնուած է ԵԱՀԿ-ի նախարարական հանդիպումներու շրջանակներուն մէջ: Ուրեմն, ինչպէ՞ս կարելի է նուազեցնել լարուածութիւնը, եթէ Ազրպէճանը կը մերժէ 1994-1995 թուականներու զինադադարի համաձայնագիրներով ստանձնած յանձնառութիւնը վերահաստատել: Ինչպէ՞ս կարելի է նուազեցնել լարուածութիւնը, եթէ Ազրպէճան չ'ուզեր զինադադարի խախտումներու հետաքննութեան մեքանիզմի ստեղծումը իրականացնել», ըսած է Էդուարդ Նալբանդեան:

Նախարարը նշած է, որ Ազրպէճան կը ձեւացնէ, թէ նախորդ վեհաժողովներուն ընթացքին ձեռք բերուած պայմանաւորուածութիւնները հայկական կողմի դրած նախապայմաններն են: Նալբանդեան ընդգծած է նաեւ, որ Հայաստան նախապայմաններ չէ դրած, բայց այդ մէկը չի նշանակեր, որ ձեռք բերուած պայմանաւորուածութիւնները պէտք չէ կատարուին: Համապարկի եւ Վիեննայի մէջ տեղի ունեցած ԵԱՀԿ-ի նախարարական խորհուրդներու ժողովներուն ընթացքին համանախագահներու որդեգրած յայտարարութիւնները ապացուցեցին, որ Ազրպէճանի՝ Վիեննայի եւ Ս. Փեթերսպուրկի վեհաժողովներուն ձեռք բերուած պայմանաւորուածութիւններու իրագործումը մերժելու փորձերը դատապարտուած են ձախողութեան: Ան ընդգծած է, որ ձեռք բերուած պայմանաւորուածութիւններու կատարումէն հրաժարելու Ազրպէճանի գործելաոճը լրջօրէն հարցականի տակ կը դնէ Պաքուին՝ իբրեւ բանակցող կողմի նկատմամբ վստահութիւնը:

Համանախագահներու նախաձեռնութեամբ ձեռք բերուած է պայմանաւորուածութիւն մը՝ յունուարի երկրորդ կիսուն կազմակերպելու արտաքին գործոց նախարարներու հանդիպում մը: Էդուարդ Նալբանդեան նշած է, որ ինչպէս միշտ, Հայաստանը նման հանդիպումներու կը ներկայանայ կառուցողական տրամադրութեամբ: Ըստ անոր, եթէ Պաքուն հետեւի համանախագահներու՝ զինադադարը խստօրէն յարգելու կոչերուն, կատարէ նախապէս ձեռք բերուած պայմանաւորուածութիւնները, վերահաստատէ իր յանձնառութիւնը համանախագահներուն կողմէ առաջարկուած հիմնախնդիրի լուծման սկզբունքներուն եւ կառուցողաբար ներգրաւուի բանակցային հոլովոյթին մէջ, ապա այդ մէկը ճամբայ կը բանայ խաղաղութեան հոլովոյթը յառաջ մղելու եւ սթաթիս քոն փոխելու:

Ելոյթէն ետք, նախարարը պատասխանած է ներկաներու հարցումներուն:

Կարօ Փայլան Պոլսոյ Հայոց Պատրիարքի Ընտրութեան Հարցը Խորհրդարան Հասցուց

«Ակօս» կը հաղորդէ, որ Թուրքիոյ հայ համայնքը երկար ժամանակէ ի վեր Պոլսոյ հայոց պատրիարքի ընտրութեան կազմակերպման հարցով պատասխան կ'ակնկալէ ներքին գործոց նախարարութենէն, որ, սակայն, ցարդ չէ պատասխանած Պոլսոյ նահանգապետարանին միջոցով պատրիարքարանին կողմէ այս նպատակով ներկայացուած դիմումին:

Թուրքիոյ խորհրդարանի հայ երեսփոխան Կարօ Փայլան այս հարցը տեղափոխած է խորհրդարան՝ գրաւոր հարցում ուղղելով ներքին գործոց նախարար Սուլէյման Սոյլուին:



Փայլան յիշեցուցած է, որ Մեսրոպ արք. Մուֆաֆեան առողջական հարցերու պատճառով չի կրնար կատարել պատրիարքի իր պարտականութիւնները: Ան նշած է, որ պատրիարքական տեղապահ ընտրուած Գարեգին արք. Պեքճեանի գլխաւորութեամբ ստեղծուած էր նախաձեռնող խումբ մը, որ յատուկ դիմում ուղարկած էր Պոլսոյ նահանգապետարան՝ ընտրութիւնները կազմակերպելու խնդրանքով, սակայն մինչ օրս այդ դիմումին պատասխան չէ եկած, հակառակ անոր որ ընտրութիւնները կը նախատեսուէին իրականացնել 10-13 դեկտեմբերին:

Փայլան ընդգծած է, որ համաձայն լրատուամիջոցներուն մէջ տեղ գտած տեղեկատուութեան, Պոլսոյ նահանգապետ Ուասիպ Շահին ըսած է, որ «պետութիւնը Գարեգին Պեքճեանը չի ճանչնար իբրեւ պատրիարքական տեղապահ եւ կ'ուզէ, որ ընտրութիւնը կատարուի պատրիարքարանի միւս երկու եպիսկոպոսներուն միջեւ»:

«Պատրիարքի ընտրութիւններուն պետութեան նման ձեռով միջամտելը եւ հոլովոյթին այսքան ձգձգուիլը համայնքին մէջ անհանգստութեան պատճառ դարձած են», շեշտած է հայ երեսփոխանը:

Ան Սոյլուէն պահանջած է պատասխանել հետեւեալ հարցումներուն. արդեօք ի՞նչ է պատրիարքական ընտրութիւններուն պետութեան միջամտութեան հիմքը, եւ իսկապէս կա՞յ արդեօք միջամտութիւն՝ պատրիարքական ընտրութիւններուն, ինչպէս նշած էր Պոլսոյ նահանգապետը: Նաեւ, Փայլան փորձած է հասկնալ, թէ ի՞նչն է ընտրութեան կազմակերպման հոլովոյթի ձգձգման պատճառը, երբ հայկական համայնքին մէջ կայ համաձայնութիւն, եւ աշխատանքները այդ ուղղութեամբ կը կատարուին արդէն: Վերջաւորութեան, Փայլան ուղղած է հետեւեալ հարցը. ե՞րբ պիտի աւարտին պատրիարքի ընտրութիւնը արգիլելու փորձերը:

Կոնսթանթին Զատուլին Յայտնած Է Պարուի Կողմէ Մերժուած Ռուս «Հայամէտ» Դեսպանին Անունը

Ռուսիոյ Տումայի Անկախ պետութիւններու հասարակապետութեան (ԱՊՀ) գործերով, եւրասիական համարկման ու հայրենակիցներու հետ կապերու յանձնախումբի նախագահի

առաջին տեղակալ Կոնսթանթին Զատուլին յայտարարած է, որ Ազրպեյճանի մէջ Ռուսիոյ նոր դեսպանի նշանակման շուրջ ստեղծուած իրավիճակը «դժուար թէ յօգուտ» ռուս-ազրպեյճանական յարաբերութիւններուն ըլլայ:

Ռուս երեսփոխանը բացատրած է, թէ յուլիս 2017-ին ԱՊՀ-ի հարցերով յանձնախումբը նախնական կարգով քննարկած է Ազրպեյճանի մէջ նոր դեսպանի պաշտօնին Կէորկի Զույելի թեկնածութիւնը:

«Այսօրուան դրութեամբ, որքան ես կը հասկնամ, այս թեկնածութիւնը չի քննարկուիր, Ռուսիոյ նախագահը, հաւանաբար, այլ թեկնածու պիտի ներկայացնէ: Ես, անշուշտ, զիտեմ՝ ինչո՞ւ ատիկա տեղի կ'ունենայ, եւ կը կարծեմ, որ տեղի ունեցողը դժուար թէ յօգուտ ռուս-ազրպեյճանական յարաբերութիւններուն ըլլայ», ըսած է Զատուլին «Էխօ Մոսքվի» ձայնասփիւռի կայանէն:

Ան նաեւ ընդգծած է, որ Ազրպեյճանի մէջ դիւանագիտական ներկայացուցիչներ նշանակելու հարցի համաձայնեցումը կը կատարուի ներկայացուցիչներու մօտ «հայկական արմատներ յայտնաբերելու» գործողութենէ ետք: Սակայն, ըստ անոր, ո՛վ ալ ըլլայ, ի՛նչ ազգանուն ալ ունենայ, ի՛նչ արմատներ, կապեր ալ ունենայ՝ ան պիտի արտայայտէ Ռուսիոյ տեսակէտը, եւ ոչ թէ այն, որ կ'ուզէ Պաքոն:

Նախապէս լրատուամիջոցները գրած էին, որ Ռուսիոյ արտաքին գործոց նախարարութիւնը չէ ստացած Ազրպեյճանի համաձայնութիւնը Կէորկի Զույելը այդ երկրին մէջ Ռուսիոյ նոր դեսպան նշանակելու առնչութեամբ:

Դիւանագիտական յարաբերութիւններու կանոններու համաձայն, դեսպանի նշանակումէն առաջ ընդունող կողմը կու տայ իր համաձայնութիւնը հաւատարմագիրներու յանձնման համար:

Ազրպեյճան մերժած է Կէորկի Զույելի դեսպան նշանակելու նախնական համաձայնութիւնը տալ՝ անոր «վառ արտայայտուած հայամէտ դիրքորոշումին» պատճառով:

Կիպրոսի Նախագահ. «Հայ Եւ Կիպրացի Ժողովուրդները Դարձած Են Միեւնոյն Յարձակողապաշտին Չոհերը»

Կիպրոսի նախագահ Նիքոս Անասթասիատես յայտարարած է, որ հպարտ է կղզիի քաղաքական, հասարակական եւ տնտեսական կեանքին մէջ հայ համայնքին աւանդով:

Կիպրոսի հայերուն նուիրուած ձեռնարկին իր ունեցած ելոյթին ընթացքին նախագահ Անասթասիատես յիշեցուցած է, որ երկու ժողովուրդները զոհուած են նոյն թշնամիին պատճառով՝ նշելով, որ իրենք չեն յանձնուած, պայքարած են եւ կը շարունակեն պայքարիլ, որպէսզի միջազգային ասպարեզի մէջ գերակշռէ մեծ արդարութեան սկզբունքը: Ան ըսած է, որ հայ եւ կիպրացի ժողովուրդները դարձած են միեւնոյն յարձակողապաշտ թշնամիին զոհերը: Այս մասին կը հաղորդէ «Արմէնփրես»՝ վկայակոչելով «Մայփրըս մէյլ»-ը:

«Ահա թե ինչու Կիպրոսը եւրոպական առաջին երկիրներէն էր, որ ճանչցաւ Հայոց ցեղասպանութիւնը, եւ մենք միասին դատապարտեցինք այս յանցագործութեան մեղաւորները», ըսած է ան:

Դիմելով Կիպրոսի հայ համայնքին՝ նախագահ Անասթասիատես նշած է. «Իբրեւ պետութիւն մենք միշտ պիտի հպարտանանք, որ ձեր փոքր համայնքը իր կարողականութեամբ արդիւնաւէտ ձեւով կը մասնակցի երկրի բոլոր ոլորտներուն՝ քաղաքական, հասարակական եւ տնտեսական»:

Աւստրալիոյ Կանաչներու Կուսակցութիւնը Ճանչցաւ Արցախի Հանրապետութիւնը



Աւստրալիոյ Կանաչներու կուսակցութիւնը ճանչցած է Արցախի Հանրապետութիւնն ու անոր բնակիչներու ինքնորոշման իրաւունքը: Այս մասին կը հաղորդէ Աւստրալիոյ Հայ դատի յանձնախումբը:

Յանձնախումբը կը մանրամասնէ, որ կարելոր ճանաչման նախորդած էին կուսակցութեան բարձրաստիճան անդամ Ճասթըն Էլիքի եւ Հայ դատի յանձնախումբի ներկայացուցիչներուն միջեւ հանդիպումները:

Կը նշուի, թէ Աւստրալիոյ Կանաչներու կուսակցութիւնը, որ ճանչցած է նաեւ Հայոց ցեղասպանութիւնը, դարձած է աշխարհի վրայ Արցախի անկախութիւնը ճանչցած առաջին ոչ հայկական քաղաքական կուսակցութիւններէն մէկը:

Յատկանշական է, որ կուսակցութիւնը նաեւ կոչ ուղղած է Աւստրալիոյ կառավարութեան բոլոր ճիւղերուն պաշտօնապէս ճանչնալու Արցախի Հանրապետութեան անկախութիւնն ու ամրապնդելու Լեռնային Ղարաբաղի Հանրապետութեան ու անոր բնակիչներուն հետ Աւստրալիոյ յարաբերութիւնները:

Այս առիթով Աւստրալիոյ Հայ դատի յանձնախումբի տնօրէն Վաչէ Ղահրամանեան իր երախտագիտութիւնը յայտնած է Կանաչներու կուսակցութեան եւ մասնաւորաբար Ճասթըն Էլիքին՝ Արցախի անկախութիւնն ու անոր ժողովուրդի ինքնորոշման իրաւունքը ճանչնալուն համար:

Աւստրալիոյ մէջ Արցախի Հանրապետութեան մնայուն ներկայացուցիչ Քայլար Միքայէլեան նշած է, որ ասիկա պատմական ճանաչում է:

«Արցախի Հանրապետութեան կառավարութեան եւ արցախցիներու անունով շնորհակալութիւն կը յայտնենք Կանաչներու կուսակցութեան՝ մարդու իրաւունքները յարգելուն համար», ըսած է Միքայէլեան:

Նշենք, որ Աւստրալիոյ դաշնակցային խորհրդարանին մէջ «կանաչները» ունին 9 ծերակուտական եւ Ներկայացուցիչներու տան մէկ անդամ:

ՄԻՋԱԶԳԱՅԻՆ

Սալման Թագաւոր. «Թրամփի Որոշումը Պաղեստինցի Ժողովուրդի Իրաւունքին Դէմ Մեծ Կողմնակալութիւն Մըն Է»

Մէուտական Արաբիոյ Սալման պըն Ապտել Ազիզ թագաւորը յայտնեց, որ իր երկրի կառավարութիւնը մտադիր է ամենայն վճռականութեամբ «ղիմակայել փտածութիւնը»:



Ան յայտնեց, որ թագաւորութիւնը քարիւղի արտածման եկամուտէն կախեալութիւնը նուազեցնելու ձգտող «2030-ի տեսլական» ծրագիրը կը գործադրէ:

Սալման թագաւորը Չորեքշաբթի օր սէուտական շուրայի խորհուրդի նիստին ընթացքին իր արտասանած խօսքին մէջ նշեց, որ Երուսաղէմը պաղեստինեան պետութեան մայրաքաղաքն է՝ վերահաստատելով իր դատապարտումն ու մեծ ցար Երուսաղէմի վերաբերեալ ամերիկեան որոշումին նկատմամբ: Ան ըսաւ, որ այդ որոշումը «պաղեստինցի ժողովուրդի իրաւունքին դէմ մեծ կողմնակալութիւն մըն է»:

Մէուտական Արաբիոյ թագաւորը նաեւ նշեց. «Թագաւորութիւնը իր դաշնակիցներուն հետ աշխատանք կը տանի զիմակայելու երկիրներու ներքին հարցերուն միջամտելու, յարանուանական սաղրանքներու հրահրման եւ շրջանային անվտանգութիւնն ու կայունութիւնը քայքայելու մղումները»:

Թուրքիոյ Մէջ Ձերբակալած Են Քրտաբնակ Գիւղի Մը Ամբողջ Բնակչութիւնը



Սղերդ նահանգի Քուրթուլան շրջանին մէջ Քրտական աշխատաւորական կուսակցութեան դէմ ձեռնարկուած յատուկ գործողութեան մը ընթացքին ձերբակալուած են քրտաբնակ գիւղի մը բոլոր բնակիչները: Այս մասին կը հաղորդէ թրքական «Տեմքրաթիապեր» կայքը:

Չելթիքպաշը գիւղի քիւրտ բնակիչները տարած են անյայտ ուղղութեամբ, անոնց յստակ թիւին մասին առայժմ տեղեկութիւն չկայ:

Յայտնի է, որ Չելթիքպաշը գիւղը միշտ թրքական զինեալ ուժերուն ուշադրութեան տակ եղած է 1990-ական թուականներէն ի վեր՝ թուրք-քիւրտ բախումներու առաւել լարուած շրջանին:

ԱՆՆՄԱՆՄԱՐ

Սփիւռքի Վերակազմակերպման Խնդիրները Արծարծող Յատուկ Նիստ՝ Ազգային Ընդհանուր Ժողովի Ընթացքին

Ազգային ընդհանուր ժողովի ծիրին մէջ նիստ մը յատկացուեցաւ սփիւռքին, նոր մարտահրաւերներու դիմաց՝ անոր վերակազմակերպման, ինքնութեան ամրապնդման եւ Հայաստանի հետ գործակցութեան: Յակոբ Բագրատունի (Լիբանանէն), Միհրան Քիրտոզլեան (Յունաստանէն) եւ Տարօն Տէր Խաչատուրեան (Միացեալ Նահանգներէն) այս նիստին զեկուցաբերներն էին:

Յակոբ Բագրատունի հարցադրումներու ընդմէջէն անդրադարձաւ սփիւռքի ներկայ բարդ կացութեան՝ նշելով, որ սփիւռք սահմանումը Յեղասպանութենէն վերապրած սփիւռքը, նոր կազմաւորուող/կազմաւորուած սփիւռքը ու նաեւ մեր ուժերուն հասանելի հայկական գաղութները կը ներառէ: Ան թուեց այն մարզերը, ուր սփիւռքը, որպէս հայկական իրականութիւն, շատ բան ունի ընելիք՝ հայապահպանում, հայրենապահպանում, Հայ դատ. այս առնչութեամբ ան նշեց, որ իւրաքանչիւր գաղութ ունի իրեն յատուկ մօտեցում եւ մտածելակերպ ու գործելաճ: Այս մեկնակէտէն ան հարցուց՝ «Ո՞վ է հայը» ու հարցադրումներ դրաւ հայկական ինքնութեան խնդիրով:

Միհրան Քիրտոզլեան դիտել տուաւ, որ հայապահպանման դասական ձեւերը վերջին երեսնամեակին ձախողութիւն կրած են: Սփիւռքը իր ներկայ իրավիճակին հասնելուն պատճառներէն մէկը սփիւռքեան դառն իրականութիւնը թապու նկատելը եղած է, ըսաւ զեկուցաբերը ու աւելցուց, որ ներկայիս սփիւռքը ապրելու ընտրովայր մը դարձած է: Ապա ան թուեց հայօճախներուն պահպանման միջոցներն ու անոնց կարողականութիւնը եւ անոնց ընդմէջէն անդրադարձաւ ձուլումը արագացնող երեւոյթներուն: Քիրտոզլեան հաստատեց, որ սփիւռքը պիտի չդադրի գոյութիւն ունենալէ, մանաւանդ երբ ձեռք ձգէ դարուս ընծայած դրութիւնները՝ ի նպաստ իրեն օգտագործելու հնարաւորութիւնները:

Վերջապէս, ելոյթ ունեցաւ Տարօն Տէր Խաչատուրեան: Ան խօսեցաւ սփիւռք-Հայաստան գործակցութեան մասին ու կեդրոնացաւ Հայաստանի եւ սփիւռքի հզօրացման: Ան լուսարձակի տակ առաւ Հայաստանէն արտագաղթը, սփիւռքի գաղութներուն տարաբնոյթ ըլլալը (Արեւելք-Արեւմուտք տարբերութիւններով), սփիւռքին գոյատեւման հաւատք չընծայելու խնդիրը, որուն պատճառով անոր համար թափուած ջանքերը կը մնան չնչին, նշեց ան: Տէր Խաչատուրեան խօսեցաւ նաեւ ազգային անվտանգութեան, հայութեան քաղաքական օրակարգերու, Հայաստանի զարգացման եւ սփիւռքի գոյատեւման հարցերու լծակներուն մասին:

Քննարկման նիստին Արամ Ա. կաթողիկոս կատարեց իր նշումները եւ յայտնեց, որ յաճախ ազգային կեանքին մէջ երկու հակադիր եւ վտանգաւոր մօտեցումներ կը գերիշխեն՝ զգացական եւ բացասական: Ներկայ պայմաններուն անցեալի չափանիշներ օգտագործելը աննպաստ են ազգային կեանքին գոյատեւման, յայտնեց վեհափառը՝ նշելով, որ անհրաժեշտ է իրապաշտ մօտեցում ունենալ: Արամ Ա. հաստատեց, որ ամիսներ առաջ Պիքֆայայի Ս. Աստուածածին վանքին մէջ հայու ինքնահասկացողութիւն թեմայով տեղի ունեցած հաւաքը կարելոր էր իր նիւթով, ինչպէս նաեւ՝ անկէ բխած հարցերուն առնուելիք քայլերով: Հայրապետը խօսեցաւ նաեւ սփիւռքին Հայաստանի մէջ կատարելիք աշխատանքին մասին, որ պէտք է ընդգրկէ նաեւ սփիւռքահայուն Հայաստանի մէջ գործունէայ մասնակցութիւնը:

ԼՈՒՐԵՐ ԳԱՂՈՒԹՆԵՐԷՆ

127 Տարի... Ու Կը Շարունակուի Նուիրումի Երթը

Շաբաթ, 2 դեկտեմբեր 2017-ի երեկոյեան ժամը 6:00-ին, Հալէպի «Գեորգ Եսայեան» սրահին մէջ փառաշուք տօնախմբութեամբ յիշատակուեցաւ Հայ յեղափոխական դաշնակցութեան 127-ամեակը: Հանդիսութիւնը բաց յայտարարուեցաւ Սուրիոյ եւ Հայաստանի քայլերգներով: Արաբերէն խօսքով հանդէս եկաւ Գեորգ Շահինեան, որ ըսաւ, թէ ցեղասպան թուրք օսմանցին այսօր իր ծրագիրներով կը սպառնայ Սուրիոյ անվտանգութեան, սակայն չի հասնիր ու պիտի չհասնի իր նպատակին՝ շնորհիւ Սուրիոյ ժողովուրդին միասնականութեան, սուրիական բանակի արիւթեան եւ երկրիս իմաստուն ղեկավարութեան:

Շաղիկ Մինասեան հայերէն բացման խօսքով անդրադարձաւ ՀՅԴ-ի 127-ամեայ պայքարին՝ սկսելով ֆետայական շարժումներէն, անցնելով Հայաստանի Հանրապետութեան կերտումէն, սփիւռքի գաղութները պաշտպանելու աշխատանքէն, հասնելով Արցախի ազատագրական շարժումին եւ վերանկախացած հայրենիքի հզօրացման գործին՝ իր շուրջ համախմբելով ժողովրդային հսկայ մասսան:

Հանդէս եկաւ Համազգայինի «Զուարթնոց» երգչախումբը «Հայաստան», «Իմ Հայաստան», «Հայաստան-Արցախ-սփիւռք» եւ «Ես եմ» երգերով՝ գեղարուեստական ղեկավարութեամբ Գայեանէ Սիմոնեան-Տէրեանի, դաշնամուրի ընկերակցութեամբ Ռուզան Պարսումեանի: Երգչախումբին յաջորդեց խմբային ասումնք, համադրուած Աւետիս Ահարոնեանի, Ռուբէն Զարդարեանի եւ հալէպահայ Յովսէփ Ղազարեանի քերթուածներէն, կատարողութեամբ՝ Արազ Տողրամաճեանի, Քրիստ Խրոյեանի, Հրակ Փայասեանի եւ Մարմանդ Աշոտեանի:

Համազգայինի «Բարսեղ Կանաչեան» երաժշտանոցէն Ռուզան Պարսումեան (դաշնամուր), Նայիրի Նազգաշեան եւ Վանենի Մինասեան (ֆլիւթ), Մեղրիկ Փամփալեան եւ Անժէլ Շէօմէլեան (քանոն) ներկայացուցին «Երազ իմ երկիր» եւ շարք մը հայրենասիրական երգերու նուագներ: Մարիա Զիչեան ոգեւորիչ կատարումով մեներգեց «Լերան լանջին», «Պիտի գնանք վաղ, թէ ուշ» եւ «Տուն իմ հայրենի» երգերը:



Հանդիսավարներ՝ Քրիստափոր Հապոյեան եւ Նանար Պապեան-Քիլեճեան այս առիթով յղուած շնորհաւորագիրները ընթերցեցին, սպա բեմ հրաւիրեցին օրուան բանախօս Վահէ Ղազարեան, որ համառօտ գիծերու մէջ ներկայացուց ՀՅԴ-ի ռազմավարութիւնը՝ հայրենիքի, արցախեան հիմնահարցի, Զաւախքի, սփիւռքի, ինչպէս նաեւ սուրիահայ գաղութի վերականգնումին ուղղութիւններով: Ան ըսաւ. «Հայ յեղափոխական դաշնակցութիւնը միշտ յառաջատարը եղաւ ազգային միասնականութեան ստեղծման, արժեւորման ու ամրապնդման»:

Անդրադառնալով սուրիահայութեան տագնապին, Ղազարեան շեշտեց. «Դաշնակցութիւնը ոչինչ պիտի խնայէ սուրիահայ գաղութի վերականգնումի ծրագիրները յաջողութեամբ պսակելու համար՝ պայծառ օրուան մը անյապաղ գալիքին հաւատքով»:

Բերիոյ Հայոց թեմի առաջնորդ Շահան արք. Մարգիսեան գնահատելէ ետք հալէպահայ երիտասարդներու նոր որակով, նորոգուած յանձնառութեամբ բեմ բարձրանալը, ըսաւ. «Այսօր յոյսով լեցուած ենք, ի տես այն երիտասարդ փաղանգին, որ Դաշնակցութեան գաղափարի ռահվիրաներուն ճամբով կը շարունակէ իր երթը՝ հաւատարիմ մնալով հայոց պատմութեան, հայուն հաւատքին ու հայրենիքին»:



Անդրադառնալով Հայաստանի Հանրապետութեան կերտման, սրբազան հայրը ըսաւ, որ ՀՅԴ-ն իր ուժեղ ներկայութեամբ խարխիւր դրաւ պետական մեր կառոյցին, ի շարս մեր բոլոր կազմակերպութեանց, առաջատար իր ներկայութեամբ, ապա աւելցուց՝ «Մեզի համար գոյութիւն չունին առաջին, երկրորդ կամ երրորդ հանրապետութիւններ, գոյութիւն ունի մեր կորուսեալ թագաւորութիւններէն յետոյ պետական այն կառոյցը, որ կը կոչուի Հայաստանի Հանրապետութիւն, իսկ անոր մէջ իր կեդրոնական տեղը ունի Հայ յեղափոխական դաշնակցութիւնը»:

Տօնակատարութիւնը փակուեցաւ ՀՅԴ քայլերգով:

Առաջնորդ Սրբազանը Ընդունեց ՀՕՄ-ի Շրջանային Վարչութեան Նորընտիր Կազմին Այցելութիւնը

17 նոյեմբերին թեմի առաջնորդ Մուշեղ արք. Մարտիրոսեան Ազգ. առաջնորդարանի «Միլահեան» սրահին մէջ ընդունեց ՀՕՄ-ի Արեւմտեան Միացեալ Նահանգներու Շրջանային



վարչութեան նորընտիր կազմը:

Առաջնորդ սրբազանը ողջունեց ՀՕՄ-ականներու Ազգային առաջնորդարան ներկայութիւնը, շնորհաւորեց նոր կազմը եւ յաջողութիւն մաղթեց անոր՝ ծրագիրներու իրագործման երթին մէջ: Իրենց կարգին, ՀՕՄ-ականները ընդհանուր գիծերու մէջ խօսեցան Պատգամաւորական ժողովէն ընտրուած եւ նոր կազմին մշակած ծրագիրներուն մասին: Հանդիպումը նաեւ առիթ եղաւ վերահաստատելու Ազգային առաջնորդարանի եւ ՀՕՄ-ի միջեւ գործակցական կապերը աւելի եւս զարգացնելու կամքը:

Առաջնորդ սրբազանը գնահատանքով խօսեցաւ ՀՕՄ-ի Շրջանային վարչութեան ու անոր հովանիին տակ գործող մասնաճիւղերուն ու միաւորներուն մարդասիրական ու հայրենանուէր ծառայութիւններուն մասին՝ մասնաւորաբար շեշտելով Հայաստանի, Արցախի, Ջաւախքի եւ Սուրիոյ հայութեան ի նպաստ վերջին տարիներու գործունէութեան վրայ, ու այս առիթով վերահաստատեց ՀՕՄ-ին կողքին կանգնելու Ազգային առաջնորդարանի կեցուածքը:

Գրիգոր Սաթամեանին՝ «Ս. Սահակ, Ս. Մեսրոպ» Շքանշան

1 նոյեմբերին Ազգային առաջնորդարանի «Արմէն Համբար» հիւրասենեակին մէջ տեղի ունեցաւ Գրիգոր Սաթամեանի շքանշանի տուչութիւն: Արարողութիւնը սկսաւ Տէրունական աղօթքով, որմէ ետք երգուեցաւ «Հրաշափառ»-ը եւ առաջնորդական փոխանորդ Բագրատ Ծ. Վրդ. Պերճեքեան կարդաց Ամենայն Հայոց կաթողիկոս Գարեգին Բ. Վեհափառ հայրապետին սրբատառ կոնդակը: Ապա կաթողիկոսը «Ս. Սահակ, Ս. Մեսրոպ» շքանշանը զետեղեց Գրիգոր Սաթամեանի կուրծքին վրայ:



Այնուհետեւ շնորհակալական խօսքով ելոյթ ունեցաւ Գ. Սաթամեանը, որմէ ետք թեմի առաջնորդ Յովնան արք. Տէրտէրեան նկատել տուաւ, որ Գարեգին Բ. Ամենայն Հայոց կաթողիկոսը Լոս Անճելըս կը գտնուէր՝ իր հովուապետական այցելութեամբ, նախագահելու Արեւմտեան թեմի հաստատման 90-ամեակին առթիւ կազմակերպուած տօնակատարութեանց, եւ թէ՛ շքանշանի տուչութեան սոյն արարողութիւնը կը մտնէր պաշտօնական այդ հանդիսութեանց ծիրին մէջ:

Վեհափառ հայրապետը խօսք առնելով՝ դրուատեց Գրիգոր Սաթամեանին բնածին տաղանդը եւ մանաւանդ անոր նախանձախնդրութիւնը՝ մշակոյթի միջոցով ծառայելու հայ ազգին, եւ յատկապէս՝ նոր սերունդին: Ան բարձր գնահատեց Սաթամեանին երկարամեայ նուիրումը թատերական շարժումին, որուն գերագոյն նպատակն է հայապահպանումը՝ հայ լեզուն սիրցնելով նոր սերունդին եւ գործածել տալով զայն բեմին վրայ եւ բնականաբար՝ բեմէն անդին, առօրեայ իրենց կեանքերուն մէջ: Ապա ան մաղթեց Սաթամեանին, որ շարունակէ իր աստուածահաճոյ առաքելութիւնը՝ ի սպաս հայ մշակոյթի բարգաւաճման:

Իրանահայ Պատուիրակները Այցելեցին Լիբանանի Մէջ Իրանի Դեսպանութիւն

Դեկտեմբերի 9-ին Մեծի Տանն Կիլիկիոյ կաթողիկոսութեան Ազգային ընդհանուր ժողովին մասնակցելու նպատակով Լիբանան գտնուող իրանահայ երեք թեմերու պատուիրակները, թեմակալ առաջնորդներու՝ Սեպուհ արք. Սարգսեանի, Գրիգոր եպս. Չիֆթեանի եւ Սիփան ծ. վրդ. Քէչեճեանի գլխավորութեամբ այցելեցին Լիբանանի մէջ Իրանի Իսլամական Հանրապետութեան դեսպանատուն: Կը տեղեկացնէ Ազգային առաջնորդարանի հանրային կապը:

Հանդիպումի ընթացքին Լիբանանի մէջ Իրանի արտակարգ եւ լիազօր դեսպան Մոհամետ Ֆաթհալին իր գոհունակութիւնն ու երախտագիտութիւնը յայտնած է այցելութեան համար:

Թեհրանի հայոց թեմի առաջնորդ Սեպուհ արք. Սարգսեանն ալ իր հերթին անդրադառնալով Երուսաղէմը որպէս Իսրայէլի մայրաքաղաք ճանաչելու մասին Միացեալ Նահանգներու նախագահ Տոնալտ Թրամփի որոշումին՝ նշեց, որ հայ ժողովուրդը նոյնպէս ընդվզած է այդ անարդար որոշման դէմ եւ կոչ կ'ուղղէ աշխարհի խաղաղասէր եւ արդարատենչ ժողովուրդներուն ու պետութիւններուն՝ դատապարտելու Միացեալ Նահանգներու նախագահի այս որոշումը:

Սրբազան հայրը իր խօսքին մէջ յիշեց նաեւ, որ Իրանը իր պետութեամբ եւ ժողովուրդով մշտապէս զօրավիգ կանգնած է ու կը կանգնի Պաղեստինի ժողովուրդին:

ՀՄՄ «Արարատ» Միութեան Շահինշահի Մասնաճիւղի Նորակերտ Կեդրոնատեղիի Բացում

3 նոյեմբերին Շահինշահի մէջ տեղի ունեցաւ Նոր Ջուղայի ՀՄՄ «Արարատ» միութեան Շահինշահի մասնաճիւղի նորակերտ կեդրոնատեղիի բացման հանդիսութիւնը: Սպահանի Թեմի խորհուրդի ատենապետ Վարուժ Մինասեանը ելոյթ ունենալով՝ ամփոփ կէտերու մէջ ներկայացուց նորակերտ շէնքի կառուցման հանգամանքները, ընդգծելով համայնքին մէջ միութենական կեանքի աշխուժացման անհրաժեշտութիւնը, որ սերտօրէն կապուած է ժամանակակից յարմարութիւններով օժտուած համալիրի, ուր իրենց միութենական ստեղծարար գործունէութեան զարկ կու տան համայնքի անդամները:

«Արարատ» միութեան վարչութեան նախագահ Մասիս Մինասեանը իր խօսքին մէջ հաստատեց, որ Շահինշահի համայնքային, մարզամշակութային, սկստութեան եւ ուսանողական կեանքի բոլոր մարզերուն ընդլայնումը եւ անոնց գործօն աշխատանքը առնչուած էր յարմար տարածք մը ունենալուն: Ան նկատել տուաւ, որ Սպահանի հայոց թեմի ազգային մարմինները իրենց գործունէութեամբ յաջողեցան այս կարեւոր եւ անխուսափելի աշխատանքը իրականացնել: Մասնաճիւղի վարչութեան անունով Արիս Դարբեան իր անսահման երջանկութիւնը յայտնեց՝ համայնքի զուակներուն վաղեմի երազն ու բուն ցանկութիւնը իրականացած տեսնելով: Ան նաեւ երախտագիտական խօսք ուղղեց Ազգային իշխանութեան, որ նոր կեդրոնատեղին կառուցելու համար ջանք չինայեց:

Այնուհետեւ գործադրուեցաւ գեղարուեստական յայտագիր:


ԱՅԼԱԶԱՆ

«Մարդ Ամեն Ինչ Պիտի Ստանայ Ժամանակին՝ Ե՛ւ Օրօրոցայինը, Ե՛ւ Առաջին Հեծանիւր...» Միեր Մկրտչեան

Մանուկ հասակիս ես կ'երագէի փայլուն, պսպղուն հեծանիւ ունենալ. ժամերով կը կենայի խանութի ցուցափեղկին առջեւ ու կը դիտէի...

Երագիս մէջ ալ կը տեսնէի...

Եւ վերջապէս տնեցիները խոստացան, որ հեծանիւ կը գնեն: Վրայ հասաւ հանդիսատր օրը: Մեր ամբողջ ընտանիքը մօրս՝ Մանամի գլխաւորութեամբ ուղղուեցաւ դէպի խանութ: Մայրս հագած էր իր միակ տօնական զգեստը եւ կը գլխաւորէր երթը: Անոր ետեւէն կը քալէի ես՝ ձեռքիս ինծի վստահուած դրամապանակը: Ետեւէն կը քալէին քոյրերս եւ բակի բոլոր երեխաները փոքր եղբօրս՝ Աբոյի գլխաւորութեամբ: Եւ յանկարծ շատ մօտէն լսուեցաւ՝ «խօսում է Մոսկուան, խօսում է Մոսկուան...»:



Ես երկար կեցած էի ցուցափեղկին առջեւ, ուր փայլփլում էր իմ երագանքը՝ «Մեզան, բացուի՛ր...», իսկ դրան վրայ կար մեծ կղպանք մը, եւ՝ ինչ-որ մէկու արագ ձեռագիրով գրուած թուղթ մը՝ «Փակ է պատերազմի պատճառով»: Չորսուկէս տարի մանկութեան երագանքը մնաց փակ դրան ետեւ...

... Տարիներ շարունակ տարբեր գործուղումներէն վերադառնալով՝ ես տղուս կը բերէի կանաչ, կարմիր, երկնագոյն հեծանիւներ: Տղաս, մէկ-երկու վայրկեան քշելէ ետք, կ'երթար «կռիւ-կռիւ» խաղալու:

Մէկ կողմ ինկած կը մնայինք ես ու հեծանիւները: Անգամ մըն ալ բարձրացուցի հեծանիւին աթոռը, նստայ ու քշեցի սենեակին մէջ: Վրեժ լուծեցի իմ մանկութեանս համար եւ հասկցայ շատ պարզ բան մը. մարդ ամեն ինչ պիտի ստանայ ժամանակին՝ ե՛ւ օրօրոցայինը, ե՛ւ առաջին հեծանիւր:

4 Խորհուրդ՝ Ձեր Զակին Նուէրը Գնելէ Առաջ...

Նոր տարին կը մօտենայ, եւ դուք տակաւին չէք որոշած՝ ի՛նչ նուիրել ձեր երեխային. իսկական գլուխ կոտրուկ մը...

Ահաւասիկ 4 գործնական խորհուրդ՝ այս անել վիճակէն դուրս գալու համար:

1-Նկատի առեք ձեր զաւկին հետաքրքրութիւնները:

Մի՛ տարուիք դարուս հոսանքին հետ եւ մի՛ գնեք «Այ փետ» մը կամ բջիջային մը, եթէ ձեր երեխան գծել, կառուցել կամ մարզական խաղեր կը սիրէ, բայց նաեւ՝ հակառակը:

«Այ փետ» մը անկասկած տեղւոյն վրայ պիտի դիրացնէ զինք (մանաւանդ եթէ ընկերներէն շատեր նոյնէն ունին), բայց շատ արագ պիտի հրաժարի անկէ, եթէ ֆուֆայուի գնդակ մը կամ փինկ-փոնկի ռաբէթ մը աւելի կը հետաքրքրեն զինք:



2-Ձեր անձնական ճաշակը մէկ կողմ դրէք:

Շատ յաճախ կը պատահի, որ ձեր զաւկին գնեք խաղալիք մը, որ ձեր մանկութեան ունեցած չէր եւ շատ պիտի փափաքէիք ստանալ: Այս սխալը մի՛ գործէք եւ ձեր զաւկին գնեցէք իրե՛ն հաճոյք պատճառող նուէր մը:

3-Խուսափեցէք «խելացի» նուէրներէն:



Կաղանդի նուէրի պարագային մէկ կողմ դրէք ձեր մանկավարժական սկզբունքները եւ ձեր զաւկին մի՛ պարտադրէք դաստիարակչական խաղեր կամ հանրագիտարաններ՝ առանց հաշուի առնելու իր նախասիրութիւնները:

Գիրքն ու դաստիարակչական խաղը թող անպայման ըլլան թէկուզ ձեզի համար «անիմաստ» խաղալիքի մը կողքին:

4-Տատամտումի պարագային խաղալիքներով մի՛ ողողէք զինք:

Եթէ կողմնորոշուելու դժուարութիւն ունիք, քանի մը տեսակ նուէրով մի՛ փորձէք լուծել ձեր հարցը: Մի՛ մտածէք, որ եթէ այս մէկը չուրախացնէ զինք, միւսներէն մէկը անպայման կը գոցէ բացը...

Այսպիսով, դուք կը մեծցնէք «շփացած եւ փճացած» զաւակ մը, որ ոչ միայն պիտի կորսնցնէ իրերուն արժէքը, այլ պիտի հասնի օրը, երբ ոչինչ պիտի ուրախացնէ կամ գոհացնէ զինք:

www.aztarar.com

10 Բան, Որ Պէտք Է Ընել Մինչեւ Նոր Տարի

Ամանորը նոր կեանք սկսելու հրաշալի առիթ է, եւ որպէսզի Նոր տարին սկսինք «մաքուր էջով», անհրաժեշտ է վատ բաները ձգել անցեալի մէջ, մոռնալ վէճերն ու անյաջողութիւնները:

Ստորեւ կը ներկայացնենք 10 բան, որ պէտք է ընել մինչեւ Նոր տարի:



1.- Մոռնալ վատը: Ամանորը նոր կեանքով սկսելու նախապայմանը ա՛յս է: Ձեր ետին ձգեցէք դժուարութիւններն ու դժբախտութիւնները: Ջանացէք տարեմուտը դիմաւորել բարձր տրամադրութեամբ:

2.- Ներել եւ հաշտուիլ: Ամանորէն առաջ անպայման հաշտուեցէք այն անձերուն հետ, որոնց հետ վիճած էք՝ ներելով անոնց սխալները: Ձեր ետին ձգեցէք վիրաւորանքներն ու սրտնեղութիւնները:

3.- Կատարել խոստումները: Եթէ ռեւէ մէկուն բան մը խոստացած էք, կատարեցէք ձեր խոստումը, արդէն շատ քիչ ժամանակ մնացած է մինչեւ տարեվերջ:

4.- Վերադարձնել պարտքերը: Պէտք չէ տարին սկսիլ նախորդ տարուան կուտակուած պարտքերով: Ազատեցէք այդ բեռէն, որպէսզի Ամանորը թեթեւ սրտով դիմաւորէք:

5.- Տունը կոկել: Նոր տարիէն առաջ ընդհանուր մաքրութիւն մը ըրէք եւ մանաւանդ ձերբազատեցէք հին ու անգործածելի իրերէն:

6.- Զարդարել տունը եւ տօնածառը: Անհնար է պատկերացնել Ամանորը՝ առանց տօնածառի: Ժամանակ տրամադրեցէք եւ տունը զարդարեցէք Կաղանդի համապատասխան զարդարանքներով:

7.- Նոր հագուստ գնել: Պայման չէ, որ հագուստը նոր ըլլայ, կրնաք ձեր ունեցած մէկ հագուստին յարմարցնել նոր կօշիկներ, նոր վզկապ, նոր զարդեղէն, այլ խօսքով՝ նոր արքեսուար մը, որպէսզի դուք եւս մտնէք տօնական մթնոլորտին մէջ:

8.- Կարգի բերել արտաքինը: Խիստ սննդականոնի մը հետեւելով՝ քանի մը քիւօ կորսնցուցէք, ձեր մազերուն գոյնը կամ սանտրուածքը փոխեցէք, անուշահոտի նոր բոյր մը ընտրեցէք... Այս բոլորը կը բարձրացնեն ձեր տրամադրութիւնը:

9.- Նուէրներ գնել: Անպայման ժամանակ գտէք ձեր սիրելիներուն նուէրներ գնելու եւ ծրարելու: Այս հաճելի պարտականութիւնը վերջին օրուան մի՛ ձգէք:

10.- Անպէտք իրերէն ձերբազատիլ: Մինչեւ Ամանոր ձերբազատեցէք տան աւելորդ, անպէտք ու հին իրերէն, որպէսզի Նոր տարիին «տեղ բացուի» նորերուն համար: